



C4802

興化李先生清壽詩

世事有屈必有伸吾思遜國忠節臣詔曹張日
不肯草何得復作叩頭人一時史筆授曲學壯
夫氣短懦夫嗔褒忠之典歲久闕草野論議徒
紛紛棗園先生家海澹早成進士官於鄞掖垣
竹埤歷八舍抗疏豈憚批龍鱗曾聞過江上封
事神人觀聽交權忻方黃鐵練名盡易榜祠木
末金川新電光石火雖暫照猶勝霧霾窮塵
傳之百世終不湮先生用意良苦辛邇來閉戶

騰笑集卷二

一

三十載著書更比當年勤東京舊事孟元老北
盟新編徐夢莘藏之名山自怡悅使者徵索推
蒲輪先生穩臥南溪濱白蕉之衫紫荷巾三詔
六聘催未起衡門但與沙鷗親年今八十能抱
真齒兒髮秀目綠筋立譚古昔猶斷斷玉堂才
子念明發四月正及懸弧辰袖懷蟠桃五寸核
目送海鶴千里津棗園池水風漣淪闌藥四照
花如茵五加皮酒粥面厚鳴薑鱸鯉羅兼珍烏
衣不改玉謝里一門羣從稱觴頻古來傳經藉
遺老耆儒往往上壽臻不見張蒼伏勝暨轅固

博士江翁杜子春

和田郎中雯移居韵

道南道北書一車田郎與我齊移家月俸雖分
五斗粟相呼野性同麀麇濁醪盈杯注涑水煖
湯濯足歌彭衙風簾無額星炯碎短牆縱葺仍
天斜牕前喜有兩棗樹疑想滿眼他時花誦子
山薑詩句爽有若暝坐翻金鴉盤空硬語和未
穩月黑漏鼓鼕鼕搥布衾不睡我亦爾牽牛獨
處嗤媧媧

雷棊篇送張僉事衡視學浙江

騰笑集卷二

二

棊工昔數蜀雷氏曰霄曰儼攻斲良吳中錄越
出其下棊棧棊史分低昂千春以後不可見殘
徽斷軫誰能藏水部先生求得之有文在腹但
一行其文刻作大唐字摩挲百過聲殷牀鳳膠
輕滑蛇跼碎藍脅焦尾差足方粉闌退食每示
客握蘭之手頻攜將元音導德追太古母乃指
恣傳師襄昨捧墨詔出宣室

帝命視學吳越疆衣錦軍廻漸江曲軒牕淥飲
西湖光使君到日啟文苑博士弟子迎膠庠大
小雅材一百五長清短側調宮商以管定聲有

準度邛繁揚雅多鏗鏘倡教起衰返正始持此
琴理司文章吾聞進賢蒙上賞他年卿寺看廻
翔待作聖王得人頌奏諸清廟登明堂

題汪檢討耕乘風破浪圖

汪君才地何崢嶸直與東馬嚴徐并一朝銜

命使絕域瀕行封事上九閔乞降

御筆示海外永使荒服輸其誠僉曰不可

帝口可濃墨大字搖光晶

天子臨軒賜顏色容臺諫院那得爭琅函錦題
國門出車前騶唱揚三旌麒麟之袍繡織成青

騰笑集卷二

三

絲絲馬雙鞶纓被以重罽紅猩猩南浮江淮達
閩越長風五月沙雨晴天妃廟前醜酒行舵樓
語咲潮已生梅花洋東天水黑但見日月星辰
明一夫危檣赤脚撐掙如山木騰踞百夫仰
望目盡瞠峭帆風飽弓在檠又如張翼鷲鳥征
有時吟嘯訝瓶笙千人同舟一心力不比吳越
交相傾巨魚長似金背鯨揚鬣前導莫敢撻滿
空霜禽飛且鳴黃衣蝶翅方鸚庚昏波忽拔馬
蛟穴靜夜或睽驪龍睛潮鷄報曉鼉報更三日
竟指中山城中山君長撻手迎道旁張樂聲瓏

埽傾城士女堵牆立笋皮笠重蕉衫輕叢筠夾
岸烟梢平佛桑花開白紫頰日長使館坐無事
圍碁隔院聞楸枰銀光研紙百幅呈詩篇或與
沙門賡愛君臨池用筆精艸書不減張伯英八
分遠過梁昇卿宣尼新宮碑一丈高文摹勒傍
兩楹更聞島中田少畊賓筵日日羅香粒佳酥
之魚翠釜烹香螺勸酒粘綠錫模糊深椀山諸
羨遐陬風土正不惡亦有花藥同揚荆歸艫仍
以鍼計程往還七見蟾蜍盈君來詣 闕因陳
情請假讀禮旋書棚却金復荷

騰笑集卷二

四

主恩賜投牒翻來遷秩榮憶昨送君秋氣清纔
逾一暑入 帝京金門咫尺我顛蹶君乃萬里
來蓬瀛披曷雪浪看尚驚眼花欲眩心怦怦耳
中彷彿波濤聲粉精墨妙誰經營恍疑博望星
槎橫我歌長句揮散卓青雲敢附千秋名

送少詹王先生

士積

代祀南海兼懷梁

孝廉

佩蘭

屈處士

大均

陳處士

恭尹

今年

天子省方岳 詔祀四瀆封五山 屬車先行
上日觀使者分命辭星班先生 儲端乍遷秩

誕持龍節臨百蠻維南有海祝融宅沐浴日月
神所寰吾昔踰嶺謁祠下嘔啞門啟金獸鑲水
棉陰濃畫壁冷銅鼓雨漬苔花斑模糊穹碑蝕
歲月夾侍秘怪殊鬚鬢繫帆歛忽颺母惡珠宮
貝闕罕得扳布還反先生到日陳祝册扶脊渡口
黃木灣雙崖斷若青玉玦小海大海波漩濶縷
袍織成孔雀翠綵旗飄颭芙蓉殷神絃安歌合
竽瑟巫覡屢舞搖花鬘牲肥酒香百靈悅旋臚
奮擢渡無艱乾坤端倪盡軒豁鱷魚遠徙除陰
姦五羊仙城六榕寺劉王花塢恣迴環况有尉

騰笑集卷二

五

佗臺畔樓晴闌百尺眺高閨人家兩岸種紅豆
芳艸一叢飛白鷗荔支洲邊少黃葉菖蒲澗曲
多青管江蕉成林乳滴滴山鳥挾子鳴啾啾珠
娘搖櫓蜚子唱小舫亦足開襟顏先生賦才媿
羣雅得句豈獨驚愚孱古來時巡必望秩書有
帝典頌有般蚬蛉毛筆鸛鴒視輜軒所采誰能
刪郵籤雖越一萬里計程七月當來還河水未
合日南至盧溝橋水流呼潺四牡光華送行邁
車前騶唱難牽攀最愁執手河梁人歸時穩臥
柴荆關南園舊友倘無恙尺書報我吳會間

題王叔楚墨竹爲家上舍載震賦

畫家畫竹專用墨李波文同已難得後來能事
吳仲圭橫斜曲直無端倪誰爲此圖王叔楚意
象豈必全師古竹枝大者一尺強其餘瑣細抽
風篁山泉泠泠走石罅可惜無人坐銷夏潛江
主人購得之索我點筆題新詩吾家長水一茅
屋北垞南垞都是竹每憶園林燒笋時不戀樹
雞及榆肉海陵曹岳爲我畫作圖藥爐茗椀書
籤厨年來松菊成榛蕪對此臨風一惆悵歸與
歸與范蠡湖

騰笑集卷二

六

送田少參斐之楚分韻得江字

前年白下君送我臨當解纜拔柳椿勞勞亭子
惜分袂津吏伐鼓聲逢逢今年燕市我送君西
山積雪連崆峒夕陽欲落猶未落返景倒射紅
油牕人生會難別苦易君又乘傳熊渠邦川涂
迢遞四千里計程涉濟河淮江翻飛蒼鷹且莫
致攬環結珮何時雙深杯當前宜縱飲滿貯獸
火傾羊腔坐中曹貞吉謝重輝鬪奇句掉險類

舞都盧橦譬諸宮商迭相奏竽瑟控榻紛琤攄
君亦錄別畱新詩偏師一出長城降古來文人

志開濟豈必翰墨驚冥眷邇者七澤罷兵革燒
畚買犢齊耕糗芻芟米粟待輸輓筭數稷秬爭
牽扛有時清暇集叅佐赤闌湖口浮舲艘雄風
颯然蘋末至怒濤直指臺根撞武昌魚泚十千
尾宜城酒醞二百缸維藩樹屏昔所重快意不
在張牙幢吾今謫官一無事思從楚客搴蘭芷
題襟漢上許酬和他日抽帆偃畫杠

題李檢討

澄中

濯足圖

我昔左海遊曾爲東武客夕陽一騎人不知馬
耳晴峯照金碧夢想青蓮五朶開雩泉百折流
潞澗當時濯足若逢爾笋鞵桐帽忘歸來携手
日上趨然臺

騰笑集卷二

七

柳巷杏花歌

同嚴中允

繩孫

錢編修

中

諧作

頻年住 帝里一山一水何曾經有若蝸負殼
又若鳥剪翎疾風揚沙卷花去眼看春事如流
星邇來罷官居肆意尋郊坰朝從潞河還犯卯
酒未醒晨過宋使君
犖雷飲漫堂雙橋東偏柳巷北小寒食
後微雨零偕行者二子各各駐輿丁杏梢含苞
猶未白柳條踈地今漸青晴絲冉冉香細細卑

枝孌孌高婷婷村童灌畦愛看客轆轤井架雙
銅餅種花此地已難得那不更縛香茅亭江鄉
爾時春愈好西神山下泉泠泠閨門游人連臂
出筠車十里填支砌只如南湖亦不惡桑鳩穀
犬聲可聽紫荷花艸雜坐臥燕來竹笋生矰屨
人生還家貧亦足何苦晨夕勞其形吾儕田廬
况不遠峭帆柔櫓凌廻汀都籃兼携茶酒具悶
拓小眼紅牕櫺吳歛越吟相繼和五日十日恣
畱停念此令人反惆悵夕陽四顧塵冥冥

秋涇行寄吳秀才

周璉

騰笑集卷二

八

秋涇水上有落帆短亭子渡頭橫跨百尺橋蟹
舍漁村合成市吳郎門對涇水流花南有堂北
有樓吾來襍被過信宿三日五日常淹畱泔魚
倒臘甕量酒傾新篘君詩老蒼賦溫麗有才如
此翻不第蘆簾紙閣歷歲年穉子蓬頭婦椎髻
婦爲吾妹子吾甥薄田涇上麓可耕掃除肯作
一室計汗漫寧爲千里行相憐童稚情親早旅
食京華吾潦澗昨者有客來武陽傳說容顏君
不老人生六十猶未衰樽前只合開懷抱何況
騷人届初度燈火上元時最好歌長歌書草書

知君發函伸紙還軒渠吾今妻子返里閭明年
歸乘殼觥車君還秋涇定何日相期近結比隣
居

嘉禾篇頌張夫子

康熙二十三年冬

天子將登日觀峯十行 詔下軫三農薄徭放
稅寬租庸南徐夫子小隊從天廡 賜馬繡纏
纒先時水旱頻告凶北達河沛東淮灘晨炊不
舉夜不春夫子下車憂懔懔請發倉粟救鞠誦
鄉師爲粥吏佐饗饑者得食皆歡悰有如雁唼

騰笑集卷二

九

魚噲鳴土鼓賽社聲寥寥服田力穡不敢慵癡
麥旣登種種種冷風時至甘雨濃生我嘉穀黑
白彤一莖乃見抽三稜露苗珠綴花惺忪照以
澹月涼溶溶下有溝水鳴琤淙耕夫饁婦齊動
容穠負稚子行歷蚤百年野老訝未逢載筐及
筐包以幬來告節使獻 九重般般者猷宛宛
龍連理之木蟠枝松玉芝紫脫青芙蓉未若茲
禾和氣鍾靈苗駢駢芒茸茸八月其穫崇如墉
輸之 天庾惟正供我聞樂事舒心習大賢美
政孰比蹤不貪爲寶民吏宗

至聖臣良時乃雍五風十雨殊乾封

高處士

兆方處士

中德

陳上舍

治將歸

過集古藤書屋同陸處士

嘉淑魏上舍

坤分韻賦長歌送別得要字

我携家具海波寺九月未稿青藤苗夕陽倒景
射檉柳此時孤坐不自聊故人遠別齊過我謂
言分手當來朝或還東江陸瑁宅或渡南浦江
淹橋龍眠一叟幡然回斧柯無恙山中樵金臺
酒伴難悉數隨意牽拂相招要林衣滿地席帽
脫畫不絕筆書能超吳船恰到麴車響轡頭乍

騰笑集卷二

十

圻輕塵搖匏尊屢空鴈壺覆豈必柴汝官哥窰
南中風物試細論歸值稻米蒸長腰披綿黃雀
切玉鱠差勝北地肥羊燒我今已解腰下組羸
馬且免晨趨朝夜如何其判促膝秋牕須盡燭
一條人生合并苦不易後會久速誰能料明年
吾亦棹頭去石田茅屋恣逍遙倘能訪我長水
曲相畱浮白還炊彪

驄馬行送任御史

明

視醴長蘆

春明門東驄馬嘶奚官新鑿碧玉蹄紫茸鞞鞞
錦障泥使者衣繡行長隄寒花露艸煙萋萋千

樹萬樹楊柳低津門此去三百里來朝定指西
沽西長蘆鹽筴通青齊君今乘驄按左海章綬
不殊還會稽我歌驄馬行君騎驄馬去明年策
馬來春明應記今朝送行處

送梁孝廉

佩蘭

還南海

合昏花開暑雨微故人畱君解驂駢駢謂納臘侍
肅性德也
百卉腓籬根細菊圓如瓊北風蕭蕭南雁飛蟄
蟲窮鳥相因依此時欲別不忍別馬行踈踟循
郊圻把杯勸君君莫揮執手語君君莫違男兒

騰笑集卷二

十一

貧賤亦常事故鄉得歸姑且歸吾今捐珮也當
去免使同學翻攢譏遠遊汗漫計亦得他年訪
爾白板扉舊交陳恭尹屈大均况無恙相與散
策探林霏盡脫苛禮消塵機龍瀧下上濯我足
石樓小大振我衣乳蕉子黃荔子緋馬甲柱脆
紅螺肥榕陰一畝竹十圍南園可以恣酬和詩
卷無人論是非

題王給事

又巨

過嶺詩集

邵陽王郎媿羣雅掖垣退食吟最工關西作者
儂指數比於二李檢討因薦誰趨雄昨年使車

踰嶺表笙歌鹿鳴聽乍終滿城象犀惣不顧迎
潮直渡東官東循州洞天福地兩羅浮近與泉
源通晴峯四百三十一捧出青蓮蓬砂床
泥融坐啞席竹葉篆古書秋蟲千年鹿跑草淺
淺五色雀舞花濛濛盤游飢罷石樓去羣仙或
請銘新宮偕行况有屈道士大均留題肯使莓
墻空此鄉寶玉人所羨珠圓貝紫珊瑚紅王郎
歸裝乏長物僅束詩卷藏髹筒解船下瀧指湖
口餘興復入匡山中僧房五百恣登歷短筇輕
屐隨樵童三條石梁貫員闕一匹瀑布拖長虹

騰笑集卷二

十三

王郎得句轉清越墨花漬壁磨鉛銅携來都亭
曾幾日傳抄奚啻十數公要知能事久服習矢
人之矢弓人弓邇來詩格乖正始學宋體製啞
唐風江西宗派各流別吾先無取黃涪翁比聞
王郎意亦爾助我張目振凡聾覽茲過嶺集百
過豈有癡垢堪芟礱往時屈道士游越山行水
沈酬和同自從判袂廣武北十載夢寐懸江楓
冲虛觀前斗壇在可有鄧嶽留葛洪投詩王郎
并寄屈惜無萬里南飛鴻

三月東風何太狂塵沙黯黯天茫茫主人十日
不出戶空園花落無丁香老年逢春須愛惜悔
不走馬看花忙無事獨坐宣武坊吾家茅屋長
水旁舍南有池舍北塘荷花草紫油菜黃鱸魚
上鉤四寸強矮貓笋肥錦裯脫新蠶豆熟青莢
長客何爲不歸故鄉好約比隣沈十二進薔薇
架底醉壺觴

紫藤花下醉歌偕同寓諸君賦

客舍紫藤長數尋髮蔓年多半枯槁往歲丰茸
莖太密花事去春翻草草今年二月呼園丁三

騰笑集卷二

十三

百銅錢費除掃雖然芟後花較遲漸見含苞同
蕨腦檐牙朽株換棚格井牀新汲傳柁棹累報
低垂香細細遊絲不動日杲杲鈎簾忽驚啁雀
去仰面生憎土蠹抱越州老酒吳船來小榼偏
提恣傾倒頭銜久矣脫朝簿那問鼙鼙鼓昏早
惜哉筋力日已疲惟有花前不知老停杯還憶
故鄉路亂水穿沙入裴島千章古木藤纏身飄
落繁英滿衫襖明年期爾橫漲橋查上舍弟
嗣稟所居柔
櫓嘔啞撥萍藻綠陰共聽黃粟畱醉臥楸頭船
更好

喬侍讀萊一峯草堂看花歌同陸嘉淑
周箕姜宸英錢金甫孫致彌查嗣璉湯

右曾陳曾毅賦

疾風經旬不出戶獨客懶過三眠蠶今朝風定
塵盪減女墻翠湧西山嵐修門池館綴金碧鏤
柵未許停羸驂主人新拓百弓地中園卉木吾
舊諳天桃濃杏雖已落海棠乍坼丁香含初疑
徑闢過者少早有勝侶齊幽探新松四尺挂席
帽灸具一束携荆籃絲頭毯展午陰直焚尾杯
泛冬醪甘今年春較去年晚花信十猶餘二三

騰笑集卷二

十四

長紅小白枝尚亞雄蜂雌蝶飛相叅酒闌回憶
壯年事於此晨夕朋盍簪燒斃甕頭臥畢卓蠟
板曲子歌何截滿暉明月露濯濯繞屋垂柳絲
毵毵十餘年來五易主魚牀潦盡成枯潭茅亭
崩剝泥暗裂有若燕子畱空龕仙源重過豈易
得惜花老去心逾貪韶光三月忽已盡牡丹將
吐房山南綠囊紅襪水精域鹿女微笑狸奴酣
杌期雙屐着謝客更借一鶴騎盧耽諸君偕游
恐不遂試與二老評花擔

謂周陸二子

贈許容

今之官印古璽節漢制斗檢封畧同周秦以來
鑄私印往往撥蠟銷金銅會稽王冕易以石細
切花乳桃皮紅青田山根東玉劖稷下里石舊
穴空羊求休嫩大松老其餘猶惡不可礪往時
長洲文博士刻石頗有松雪風墨林天籟閣書
畫以別真僞鈐始終吾生好竒頗嗜此碑礪犀
象羅笥中徐貞木亡鄭植天尙有程邃畱江東
故人衰病遠莫致縱饒玉石何人攻如臯許容
近過我手出圖譜重錦蒙古文離離雜鍾鼎爾
雅一一詮魚豕乃知六書得其故大小繆篆能

騰笑集卷二

十五

兼通相斯史籀各具體左蟠右屈何妍工合肥
尙書龔端毅公最賞擊紛紛朝士傾詩筒吁嗟
萬里十年別一官不達翻途窮低眉強隨抱關
吏失足幾陷蛟人宮重來歎息舊遊盡酒錢燕
市何由充容今髮白我耳聾瓜牛舍近地百弓
日長莫學打睡翁相邀硬筆寫獵碣夫豈不如
薛尙功

題程侍郎江山卧遊圖

啓禎之際南北派書有董米畫崔陳青溪先生
起奪席二者並妙稱絕倫一水一石弗漫與尺

幅價值雙鳥銀今觀此圖着色老筆與黃鶴山
樵親蒼茫又類井西作林霏曉靄泉洄淪近來
倣古求貌似疊石細碎添苔勻先生畫意不畫
象驅使二子窮其神雲霞石淙開四面一一鼠
尾丁頭皴山根木閣看最好安得買斷居河湑
四門博士重手澤請我跋尾歲在寅其冬偷兒
擊我壁室無泉布床無茵惟存文史五千卷手
塵泐架押掄頻此圖幾失幸不失畱置愛玩綿
冬春朝來灑墨賦長句書報博士遲無嗔

題周編修金然雲松雪瀑圖

編修與子
有結隣洞

騰笑集卷二

十六

庭山
之約

越縑八尺誰所畫雪瀑亂灑長松梢中有科頭
人獨坐盤石均注目一疋練昏泉一勺咆斯人
豈宜在巖壑或者避俗憎喧撓我生山水性夙
嗜十年誤把田園拋移家欲果洞庭約擬先縛
屋三重茅莫釐峰高踏月上靈威洞古探書鈔
楊梅滿村鶴頂賤橋柚落樹筠籠包茲山從無
蛇虎雉但有魚鱗蝦登庖雨前茶芽舌比雀籬
下竹筍頭如貓閒房恣意任選擇樂土不用分
肥磽先生方充記言史朶殿直入穿雲旂曰歸

正恐歸未得磨錢枉費占羲爻耕田定須沮溺
耦開徑可少求羊交終當乞取鑑湖曲庶免怨
鶴驚猿嘲

河豚歌

天津之水連北溟七十二沽漩迴汀漁師乘春
漾極浦舫舫葉葉輕於萍河豚此時舉網得活
東小大同賦形賣不直錢棄可惜堆置更比凡
魚腥南人見之莞爾咲是物足勝通侯鯖葦蒲
束取十百輩馬馱車載兼手拎晨興主人食指
動忽覩兩縛陳吾庭客來疾呼莫莫亟當投

騰笑集卷二

十七

畀煩叮嚀食熊者肥食鼯瘦豆令人重榆則瞑
彼猶無傷此獨甚犯之不異衝鈴釘主人語客
且安坐吾言物理君試聽人生一死各有候非
英棗華木葉零卽如飲啄亦分定鼎腹豈必堅
關扃雖云甘脆腐腸藥不聞茹藿長延齡茲魚
信毒種乃別臑胸有法食有經或如燕子尾涎
涎或如束帶腰黃鞞今之饋者皆不爾安用荷
錘埋丘冥抉睛刮膜漉出血如鱉去醜魚乙丁
磨刀霍霍切作片井華水沃雙銅餅薑牙調辛
橄欖醃荻筍抽白萋蒿青日長風和甗觚淨織

塵不到晴窓，櫺重羅之麤。生醬和凝視，滓汁仍
清冷。吾生年命匪在卯，奚爲舌縮箸蠲。停西施
乳滑恣教齧，索郎酒釀未願醒。入脣美味縱快
意，累客坐久心方寧。起看牆東杏花放，橫參七
點昏中星。

送吳御史震方還里

去年今上書拜手，今青蒲。今春今未暮，乘白駒
今下通潞酌酒，今臨風攬子祛。今城東申之兮，
欵曲客無爲兮。匆匆泛擘河兮，千里不如子之
車兮。莫或敢柅望江關兮，兩旗不如子之馬兮。
莫或敢維囊無一物兮，旋故土將津吏兮。無怒

騰笑集卷二

十六

其二

瞻衡宇兮欣欣，數鄉樹兮歷歷。慰慈母兮倚閭，
御輕軒兮布席。妾掃蠶兮臂筐，童呼牛兮腰笛。
麥秋兮梅暑，烟舟兮雨屐。罷遠遊兮屈平師，近
遊兮束皙。逝將歸兮由拳樂，與子兮晨夕。

騰笑集卷三

今體詩一

夏日 瀛臺侍直紀事六首

暗水三橋出明星萬戶開玉堂鈴索動宣喚入
瀛臺

宿葦多於薺涼沙白似水隴隴深樹裏忽露九
枝燈

麗草雲根潤風花鳥下香蓬萊今始到真在水
中央

太液新蓮酌金盤曲宴初

君恩念蠲渴先賜馬相如

騰笑集卷三

螭首濡毫罷蛾眉散直歸爐烟香未歇荷氣復
侵衣

紫籜千花露金塘萬柳條牽習容左史徐度赤
闌橋

柳林醉歸馬上作

碧柳圍成圃紅魚種滿池山翁接離倒未遣葛
疆知

周上舍 篁李秀才 我郊夜過

溷酒凍春碧萊雞蒸栗黃醉眠無不可西舍有
繩牀

彭城道中詠古二首

舊社粉榆改寒雲
芟碭收北風吹野燒
飛度斬蛇溝

博浪飛椎後圮橋
進履年無人知
偶語况有素書傳

臨淮口號

鮮鯽臨淮美傳聞
尺半強祇供津吏
索不放老夫嘗

鄭州題壁

水濶漁村渡春寒
酒旆風河間多姹
女若個數

騰笑集卷三

二

錢工

李檢討澄中紺園雜詠六首

荷陂

風過蓮葉香日出
釣船去不聞雞犬
聲但有鷓鴣語

柳浪

斷岸綠楊齊濃陰
覆水低東風吹太
急扶起過橋西

綠水軒

軒中獨木几檻外
獨木橋際夜沙月
明蘆荻風

蕭蕭

會心亭

雜卉秋尚開淺莎晴可坐於此獨寤言浮榮等
糠莖

鏡香樓

吾里鏡香亭君家鏡香樓滿池鴛鴦浴四面芙
蓉秋

松風臺

山月無片雲夜半松風起欲寫入瑤琴風聲吹
不已

騰笑集卷三

宋僉事

學

園亭雜詠六首

深波村

照碧堂前水分流灑稔村築場移碌礪繫艇到
籬門

芰梁

背郭十畝園滿陂種水粟浴鳥游清泠人語忽
飛出

釣家

芙蓉以爲裳女蘿以爲帶釣魚師得魚沽酒夕
陽外

和松菴

微風起中林調我松下琴黯黯太古色泠泠太古音

放鴨亭

渚荇抽新碧圍桃吐小紅莎亭長日坐不引竹枝弓

緯蕭草堂

草堂何所營志蟹譜漁具夜分汀火紅點點出深樹

社日二首

騰笑集卷三

四

幾日社公雨芹泥香滿汀生憎飛燕至不放海東青

海東青畏燕子見歐陽原功詞

藥甲何曾碧花枝亦未紅治龔有方法只恨酒錢空

瓊華島

艮嶽移花石離宮枕玉河年年御溝葉相送麴塵波

島石相傳金人自汴移此

自禁垣徙居宣武門外

詔許携家具書難定客蹤誰憐春夢斷猶聽隔城鐘

淨業寺看荷花同嚴四檢討繩孫作

香刹緣隄轉官橋信水流綠雲千萬頃不見采蓮舟

送查上舍昇之湖口

爾去彭湖口香鑪對客窗潮痕灌嬰井果否應潯江

送高騫之東嘉二首

仙人朱孺子枸杞斲長鑱爾去訪遺跡題詩大若巖

我昔東嘉游姑負小杭州須尋十八寺宴坐大

騰笑集卷三

五

龍湫

懷汪進士燭

人日梅花落懷君過嶺時安牀紅豆底日日坐相思

送顧進士永年南歸

曲江游讌罷轉眼一年春此日書驢券仍同下第人

落日

落日銜西嶺驚沙卷北風今年春已半猶有未歸鴻

遲湯上舍右會不至

檉葉綠如繖藤花紫滿簷望君君不至惆悵下
廳簾

得李上舍秀南郡書

爨有溫瓶火門無計吏車銀鱗三十六且食武
昌魚

爲喬侍讀題畫二首

買斷西濛港湖田二頃餘應同尹都尉暇便著
農書

三百臨安樹移來種水濱如何濃綠底不見採

薦笑集卷二

六

桑人

燕京郊西雜詠同諸君分賦

十八盤

香山十八盤盤盤種松柏惟見獨行僧稀逢采
樵客

高粱河

高粱寒食時昔年盛游冶隔水百重花長堤兩
走馬

釣臺

鱖魚千百頭湖水二三尺有時溪雲生不見釣

臺石

君子城

吾笑石季龍爾何知
好士羅致山城中
哀哉數君子

芙蓉殿

雕宮委礪磔
暗粉剝莠苔
想見明昌日
芙蓉殿脚開

黃牛岡

亂石侵花當奔沙
擁樹根黃牛岡上
月橫笛過前邨

騰笑集卷三

七

香水院

壞磴接雲根
流泉來樹底
宛轉入僧厨
淙淙鳴不已

夾山寺

禪枝啼谷鳥
忍草護松關
偶入樵人徑
桃花又一山

甕山

石甕久已徙
青山仍舊名
去都無一舍
已覺旅塵清



